

## AD LECTOREM.



VÆ Adm. R. P. F. LAURENTIVS DE PEYRINIS  
Prælatus olim meus ad Subditos, & Prælatos atti-  
nentia in tuum commodum, Lector Beneuole, tribus  
in libris olim emiserat; nunc ab eodem aucta, & in  
vnū congesta tibi profero. Eam perdisces doctrinam,  
quam meliores desiderant, et si secundum Ari-  
stot. sententiam 8. top. *Vna scientia est melior altera,*  
*vel quia est certior, vel quia de meliori:* considera ipse qualis erit scien-  
tia in hoc libro contenta, quam maximorum Doctorum defendunt  
argumenta, legum firmat auctoritas, & quod præcipuum, optimæ sta-  
biliunt rationes: De meliori est, cum tractet in Religiosorum homi-  
num vtilitatem, & Religiosa, & in vltimum finem tendentia, quo me-  
lius, vel perfectius nequit excogitari. Evidem fateor desiderium so-  
lum, quod apud omnes vbiq; compperi de tñl viri doctrina fuisse in cau-  
sa, ut studeré, qua poteram cura, ipsius Auctoris opera omnia in duo vo-  
lumina colligere, in quorum primo, *Subditum, Prælatum, & Formularium*  
*Prælatorum;* in secundo verò, *Privilegia; omnia mandare calcographiæ:*  
Quantum ad primum iam voticompos factus, illum tuæ vtilitati exhibeo:  
secundum, Deo adiuuante, paulo post exhibebo. Audi Religiose  
Lector, *Et infra* (Inquit Cic. de Fin.) *in omnibus vel potius innata cupiditas scientæ, natiq; sumus ad congregationem, & societatem, ad communitatem*  
*generis humani si hoc datum est omnibus à natura, quid expediet homini-  
bus Religiosis, hominibus Regularibus, qui præcipue communitatem*  
*diligunt, societatem profitentur, constituunt Congregationem?* Hunc  
librum perlege, sèpiusq; oculis, & animo periuolue, si quomodo te ge-  
rere debeas in communitate, si quomodo regere valeas congregatio-  
nem cupis perdiscere. *Duplum aiebat Euripides, quam alij vident Regula-*  
*res illi, qui se, suosq; subditos iuxta sua iura, et iuxta Canones regere*  
*didicerunt.* Mihi sane certum est, nec operam, nec oleum insumpsiisse;  
vix enim huiusmodi editionem tentare incepérām, et iam cruciabār,  
tum à nostris, tum ab exteris, ut quam cito poteram, perficerem: perfeci  
tandem, et lucem videt. Luceat animo tuo liber, mihi tua luceat be-  
neuolentia: et eiusdem Auctoris iam vita functi expecta quam primum  
commentaria super regulam Minimorum, quibus tota Ascetarum do-  
ctrina continetur. Vale,